

ԲԱՆԱՍԻՐԱԿԱՆ

Բ. ՄԱՏԵԱՆԻ ՌԻԹՄԱԿԱՆ ԵՒ ՏԱՂԱԶԱՓԱԿԱՆ ԲՆՈՅԹԸ

Կանոնաւորութիւնը տողի ներսում եւ անկանոնութիւնը տողը տողի յարաբերութեամբ Նարեկացու տաղաչափական համակարգի ակնառու յատկանիշներից է: Ոչ մի խորք բան չկայ, եթէ մի տող ունի այլ տաղաչափութիւն, վանկերի այլ բանակ, երկրորդը՝ այլ, երրորդը՝ նոյնպէս, իսկ չորրորդը կարող է կրկնել նախորդ տողերից մէկի չափը եւ այսպէս շարունակ: Նարեկացուն չի կաշկանդում կշռոյթը, չափը, տողի երկարութիւնը: Եթէ ցանկանում է գրել անթերի չափով, անդամների մէջ հաւասար վանկերի թուով, հաւասար տողերով, ապա գրում է այդպէս, եթէ չի ցանկանում, փոխում է ուրիշ, կշռոյթը, չափը: ԶԹդ գլխի տաղաչափական պատկերը տարակարծութեան տեղիք է տուել լոկ այն պատճառով, որ թէ Արեղեանը եւ թէ Պապեանը հատուածը դիտել են իրրեւ բացառապէս տաղաչափական մէկ եւ նոյն կառուցութեամբ գրութեան ռոտմաւոր: Մինչդեռ նոյն հայրենի չափը նոյն հատուածում Նարեկացին մի դէպքում կիրառում է 8-7 բաժանմամբ, այսպէս՝ 3+2+3 // 2+3+2.

Պարտուցքն / Ժխտեալ / տաղանդացն // ննպով / մեծաւ ի / տուծի. (մէկ այլ դէպքում այսպէս՝ 7-8 վանկանի կիսատողերով)

Բիւր / Բանձարոյ / խնդիր // ես չունիմ / կշիռ / մի ունի:

Նարեկացին հայրենի չափն օգտագործել է բազմազան զուգորդութիւններով: 7-վանկանի կիսատողը կարող է լինել թէ՛ 5+2, 2+5 եւ թէ՛ 8+4, 2+2+8 վանկերից բաղկացած, իսկ 8-վանկանի կիսատողը թէ՛ 5+3, 3+5 եւ թէ՛ 3+3+2,

2+3+3 վանկերից բաղկացած: Կիսատողերից կարող է պակասել վանկ եւ լրացուել ամանակի շնորհիւ, այսպէս՝

Եւ / անարեւ / միգով // յամենայն / մասանց / պարփակեալ...

Այստեղ 6-վանկանի հատածն ամանակով հաւասարում է 7-վանկի, եւ հայրենի չափը պահպանում է իր կանոնաւորութիւնը: Արեղեանը հենց այսպէս էլ ընդունել է այն տողերը, ուր պակաս վանկեր կան: Նա կարեւոր է համարել 7-8-վանկանի կիսատողերի բաժանման եւ նրանց շեշտադրութեան պայմանը: Այս պայմանն անտեսելու դէպքում թերազանկ հայրենի տողը կարող է ընկալուել իրրեւ այլ չափով գրութեան ռոտմաւոր, 15-վանկանի տողը՝ այլ: Սրա մէջ է Ռ. Պապեանի սխալը: Մինչեւ իսկ քուլանկան հայրենների անթերի տողը Պապեանը համարում է 5-վանկ եռանդամ / 5+5+5 / ռոտմաւոր: Թէեւ միշտ չէ, որ հայրենի տողը պահպանում է 7-8 վանկանի կիսատողերի ճշգրտութիւնը, այլ վանկերի բանակը կարող է 15ի փոխարէն տատանուել 16-18 վանկերի միջեւ, բայց միշտ էլ տողն ընկալում է իրրեւ հայրենի չափ: Դա նման է հայոց հին տաճարների առաջին հայեցակից խառն ու անկանոն, բայց միշտ սրբատաշ քարերին, ուր քարերի հաւասարութիւն չկայ, բայց կայ շարունածքի ներդաշնակութիւն:

Մտածանի տիրապետող չափերից մէկն էլ 4+5 երկանդամ չափն է, որ կարող է հանդէս գալ թէ՛ իրրեւ առանձին տող եւ թէ՛ կիսատող՝ այլ չափով տողի կազմութեան մէջ: Նոյնը պէտք է ասել նաեւ 5+4 երկանդամ չափի մասին:

9-վանկանի / 4+5 / երկանդամ՝
*վերածայնեալ՝ ի մեծ զարուքեան,
 խնկաւորեալ՝ յողորմածութեան,
 Համբարեցեալ՝ յանմատ հեղութեան,
 Ճաշակեցեալ՝ ի խոնարհութեան...*

/ Բան 2է, ք /

9-վանկանի / 5+4 / երկանդամ՝
*Թէ հաւասար գոյր՝ Բս գրէի
 Թէ զուգագործ գոյր՝ ցուցանէի,
 Թէ աւրինակ գոյր՝ Բս ազդէի,
 Թէ յանցեալսըն՝ հայթայթէի...*

/ Բան ԺԵ, ք /

ԹՎ 4+5 եւ Բէ 5+4 չափերը կազմում են նաեւ կիսատողեր։ Այս դէպքում նրանք կարող են նաեւ ամանակով հաւասարուել 5+5 չափին։ Ահա, օրինակ՝ 4+5 // 4+5 18-վանկանի ռոտանաւոր։

*Երկչոտութեամբ / կարծեաց
 վարանեալ, // ամենայնիւ, / կայ ի
 վտանգի,*

*Հարազատաց / դաւանանութիւն
 // անհաշտելի / ի կոտորուածի...*

/ Բան ԽԶ, գ /

Կամ այս օրինակը, ուր 4+5 // 5+4 կիսատողերը մտնում են 20-վանկանի ռոտանաւորի կառուցութեան մէջ։

*Մի՛ երկարս ինձ / զվէր մեղացս
 // ի յախտալից / մարմնիս ծածկեցես,*

*Մի՛՛ զփտութիւն / նեխութեան
 ցաւոցս // ինձ տնկակից / մահու
 մնացուցես,*

*Այլ քա՛րձ քանիւ / էոյդ
 ողորմութեան // զժանտութիւնն /
 ապականարար,*

*Որպէս զի գատեալ / ի հիւծմանց
 ախտից // առողջութեանն /
 պատրաստեցայց։*

/ Բան ԽԸ, ա /

Մատեանի տաղաչափական նկարագիրը աչքի է ընկնում ռոտանաւորի չափերի քաղաքական կառուցութեանը, ազատ ռոտանաւորի շարահիւսական միաւորների իմաստային ինֆնուրոյնու-

քեամբ, նարտասանական եւ արտայայտչական միջոցների հարուստ օգտագործութեամբ, որոնք էլ փոխադարձաբար պայմանաւորում են Մատեանի ռիթմական քաղմեքանգութիւնը, նրա դրամատիզմն ու ֆնարականութիւնը։ Նարեկացին ոչ միայն քարմացրել է տաղաչափական աւանդական ձեւերը, ոչ միայն օգտուել է ժողովրդական երգարուեստի մաքուր ակունքներից այլեւ հանդէս է եկել իրրեւնոր չափերի օրէնսդիր։

Մատեանն ունի նաեւ այնպիսի մասեր, որոնց ռիթմը Բէն չի կարելի լիովին նոյնացնել արձանի հետ, քայց եւ դժուար է համարել ազատ ռոտանաւոր։ Արեղեանն այսպիսի մասեր է համարում այն հատուածները, որոնց մէջ «քանաստեղծը միանման կերպով բռնում է Աստծու ստորոգելիները կամ միեւնոյն միտքը յեղեղում է տարբեր արտայայտութեան ձեւերով, քայց նման կազմութեան խօսքերով։ Այս մասերի մէջ էլ, սակայն, յաճախ նա դիմում է իր սիրած ռիթմին եւ կազմում է հնգապանկ անգամներով, երբեմն եւ ուրիշ տեսակ ռոտանաւորներ» (3)։

Արեղեանն իրաւացի է, եւ Մատեանի գիտաֆնական նոր հրատարակութեան մէջ արձակ են տրուած ԼԴ, ՀԵ, ՂԲ, եւ ՂԳ գլուխները, ինչպէս նաեւ յիշատակարանը։ Կարելի է այս գլուխներից բերել իսկապէս կանոնաւոր ռիթմով հատուածներ եւ, ընդհակառակը, տողատուած գլուխներից մասեր, որոնց ռիթմն աւելի մօտ է արձակին։ Արձակին յարող այդ ռիթմին Նարեկացին դիմել է գիտակցաբար՝ Մատեանի ռիթմական հիւստածքը քաղատարր դարձնելու նպատակով։ Այդ գլուխները եւ առանձին արձակամետ մասեր մի տեսակ միջնաբարի, ռիթմի դանդաղեցման դեր են կատարում՝ բռնում ակնկոծութիւններից խաղաղեցնելով ընթերցողի հոգին, նրան մղելով խորհրդածութիւնների։ Բոլոր

այն դեպքերում, երբ Նարեկացին դիմում է ռիթմիկ արձակի՝ նրա խօսքը հիմնականում ունի մեկնաբանական, բացատրական բնույթ, իսկ ստորագծվածների բուարկման դեպքում՝ ներքողի:

Գրիգոր Նարեկացու ստեղծագործութեան տաղաչափական համակարգի ուսումնասիրությունը ցոյց է տալիս, որ բանաստեղծն ունեցել է ռիթմի նուրբ ու խոր զգացողություն, օժտուած է եղել երաժշտական բացառիկ ձիրքով: Նա որոնել է եւ միշտ էլ գտել է ասեղիքին համապատասխան ձեւը, երբեք չկաշկանդուելով որեւէ կանոնի նեղ շրջանակում: Նա ոչ միայն լատգիտակ էր նախորդ դարերի հայոց բանաստեղծութեան տաղաչափական ձեւերին, այլեւ մեծ սեր եւ հետաքրքրություն է ունեցել ժողովրդական երգերի եւ նրանց արուեստի նկատմամբ: Թե՛ հոգեւոր եւ թե՛ ժողովրդական երգերի տաղաչափական ձեւերի օգտագործմամբ՝ Նարեկացին ստեղծել է տաղաչափական նոր ձեւեր, ռուսնաւորի նոր կառուցումովներ:

Թեւեւ յետագայ դարերի հայ բանաստեղծները, իսկ նոր ժամանակների բանաստեղծները առաւել եւս, միշտ էլ հաղորդակից են եղել հարեւան ու հեռաւոր շատ ազգերի գրականութիւններին, իւրացրել եւ ստեղծագործաբար ազգայնացրել են նաեւ տաղաչափական նոր ձեւեր եւ ռուսնաւորի այլ կառուցումովներ, բայց, այդուհանդերձ, հայոց ազգային տաղաչափութեան հիմնական ձեւերը, ինչպէս գրել է Մ. Արեղեանը, «իրենց ենթատեսակներով ամենամեծ մասամբ գործածուած գտնում ենք 7-11-րդ դարերում» (4), եւ այստեղ, ասեմք անվերապահօրէն, մեծագոյն աւանդը պատկանում է Գրիգոր Նարեկացուն:

Ըստ Ա. Այտընեանի՝ մեր տաղաչափութեան մէջ ընտրելագոյնը եւ ազնուագոյնը համարուել են գրաբարեան

ձեւերը, այնպէս որ «կրնայ այսօրում օրըս կերպով մ'ըսուիլ, թէ արդի տաղաչափութեան լեզուն գրաբար է» (5): Գտնելով, որ «միջին դարերուս փերթաւոց մէջ առանձին տեղ մը կը գրաւեն Գրիգոր Նարեկացոյ տաղերը», Այտընեանը միաժամանակ ընդգծում է, որ տաղերի մէջ «ինչպիսի որ ճշմարիտ բանաստեղծական շարժումն ոգիւն իւր կենդանութեամբը՝ նախորդներէն եւ յաջորդներէն վերագոյն է, նոյնպէս ալ եզական է շէնքն» ինքնաստեղծ նորանշան լեզուան ու յատուկ դարձուածներովը, եւ մանաւանդ անով աւելի զարմանալի, որ շատ տեղեր ազգային նախնական / հեթանոսական / երգոց ճարտար մամուղութիւն է, որոնց, ինչպէս գիտեմք, դեռ կենդանի ձայներն այնչափ դար ետքը կրնային ներանձնացեալ փերթողին ակամըը հասած հնչած ըլլալ» (6):

Բանաստեղծի կենդանի հետաքրքրութեամբ եւ զգայուն սրտով Նարեկացին ինքն է ձգտել ոչ միայն լսել ժողովրդական բառ ու բանի, երգի ու մեղեդու մշտալուր այդ ձայները, այլեւ դրանք թրծելով իր ստեղծագործական հանճարի ճուրայում՝ վերադարձրել է ժողովրդին իրրեւ գրական յուշարձաններ՝ աւանդելով դարերին ու սերունդներին:

Ա. ՂԱԶԻՆԵԱՆ

(շարունակելի)

ԱՂԻԻՐՆԵՐ ԵՒ ՄԱՆՕԹԱԳՐՈՒԹԻՒՆՆԵՐ

- 1.- Մ. Արեղեան, հ. Գ, էջ 692:
- 2.- Տես՝ Ռ. Պապայան, Ձշվ. յօդվ., էջ 194-195:
- 3.- Մ. Արեղեան, հ. Ս, էջ 628:
- 4.- Նոյն տեղում, էջ 692:
- 5.- Ա. Այտընեան, Գրականութիւն արդի հայերէն լեզուի, Վիեննա, 1866, էջ 498:
- 6.- Նոյն տեղում, էջ 426-426: